

# EIPONE LO EDUKUNERE ATAAPU/ADOORO NA IPUNGIO KANU AILOSIA AKANIN

## Akaadi na aicoreta

### Iboro lu ipudai:

1. Ipirin lu 'kito iarei ( lu aojau na imitai 2, kisiciarito kopuai)
2. Ibelai iarei lu erim lu aojau na emita (ediope araut kwape akan ke ataapu, ediope kwape amukat na icakio)
3. Emusumeni kanu atubio akito
4. Esumaalit lo aojau na 8 cm kiton 11 cm
5. Egoe arai amagaalo



6. Akim
7. Abasang/emeleku
8. Aunoi aarei (atutubet na emita kanu arapetai, emita kanu amukat kana icakio)
9. Adomoola na ilitai 3 arai 5
10. Asabunyu
11. Akitoi na eriakasi aojau kede kana asabunyu
12. Ibore yen epedorere apedio asabunyu
13. Amoru, ingaroi kanu aipany kana eleleikinete akipi toma

## Eipone lo iswamaunare ataapu/adooro na ipungio:

**1 Kipimau ne ebeit apedokin aipany.** Koseu adomoola na ilitai 3 arai 5 na elai ido koma-me i bore kotoma. Kipimau ne ebeit apedokin aipany, nepetai 12 cm kwangin aijesar kwap anyoun k'arapetai.



**2 Kipeipe esumaalit.** Koseku aiting esumaalit kede amagaalo arai egoe, kosodi aipeipe ngesi kede adis akim kere.



**3 Kopedonok aipanya.** Kitwasam esumaalit lo emwana apedokino adomoola, kede bobo acie apedot na iareikini toma arapetai.



**4 Kirupak auno.** Kirupak auno na eojaojat (na emita ediope) aitorio toma aipany na arapetai. Kogeu aitorio auno kopura lo arapetai tetere ediope esiep je lo auno kangin esalakini edelideli kotau lo arapetai.



**5 Koenik elomorut.** Koenik elomorut kosiep lo ejai akoik na arapetai. Ekot elomorut ngol kopol tetere mam auno epedori autun arai kiriar. Kowenik arapetai na adomoola. Ekot do kwana elomorut ngol kojai toma adomoola ido kosalakite atutubet na auno kere na eoja edelideli kokinga na adomoola.



**6 Koenik ebela (amukat na icakio).** Koenik auno obela ngol lo emita ediope. Ekodakit do kwana auno ngin ebela ngol kede adomoola. Ngin do ngesi amukat na icakio na ataapu/adooro kangin.



*Note—You can adjust the length of the rope, if needed, during Step 11.*

Instructions adapted from, "How to Make a Tippy Tap – A hygienic handwashing device with running water. Authors/Photos Mark Tiele Westra. Werkgroep OntwikkelingsTechnieken (WOT); University of Twente, the Netherlands; Henk Holtslag Connect International.

**7 Koped asabunyu.** Koped asabunyu kitwasamai ibore (kwape nat akitoi, acuuma na ewenere ipetai), koipone lo aipiripir asabunyu mot mot.



**8 Kirupak auno.** Kirupak auno na iareit na euriana (atutubet na emita) toma apedot ngin kosodi awenikin ne ejai akitoi na euriana.



**9 Kileleb adomoola.** Kileleb akipi toma adomoola, kiton adolokin ne ejai apedot.



**10 Kobokinik ipirin kwap.** Koseu aiboisit na edolit asipokin ataapu/adooro. Ekot korai ne idilar ailot akanin (eiduny kede acolooni arai eipois). Kobokik aipanya aarei kwap nu edoli akec aidules 50 cm kitwasamai abasang/emeleku. Ekot aipanya ngun kotiakite alalau na edoli 70 cm. Kosiponok ipirin ngul toma aipanya ngun kosodi aisikanakin alupok toma.




**11 Kikajak adomoola, ebela lo erai amukat na icakio kede auno na ewenikita asabunyu.**

- Kirupak ebela aitorio akan na adomoola kosodi aikajakin ebela ngol opirin ngul iarei. Ekot kwana adomoola kijeko k'obela kangol
- Koenik auno na ewenitere asabunyu eiduny kede adomoola tetere ijeko ngesi da k'obela (karai emamei asabunyu, komou idis ibore yen ibwaikino ekuron).
- Kowanyu ebe isukunyikita auno na ewenitere amukat na icakio tetere ediope esiep lo ebela/ amukat kana icakio ikaja kane edoli 15 cm anyoun kokwap ido koperi ediope esiep je lo akitoi kokwap.



**12 Kobok aipany na eleleiniknete akipi.** Kobokik aipany (alalau na edoli 40x40 cm, korai na aidules na 20 cm) aitebeikit kwap na adomoola, ne epote akipi adoenen. Kocakak ingaroi aileleb aipany. Ngin ngesi aipany na eyuarit ataapu tetere mam nen eraun aiboisit na ileleba erit, arai na eb-ekatar isiru.



**Eitwasamae:**

Kicika ebela kwap kede akeju. Ebuni ngin aitulur adomoola, kosodete akipi agumun kinga kitoritos apedot. Kitapapal akanin kosodi ajalakin aicakit akitoi. Kisutak esabunyu (arai ekuron) akanin. Kicak bobo ebela kosodi ailoloar akanin.



## Eipone lo idaris ataapu/adooro na ipungio:

1. Kodunyite ailelebinikin akipi toma ataapu koipone lo adunyit aiyatanakin akipi tetere epedorio aitwasam adis apak kere.
2. Kilotanari toma kede kinga na ataapu/adooro kangin kangol sabiiti arai bo nat, eringa kedolo esabiiti da, arai kesub bala emodumodun.
3. Ekot adunyit aiyatanakin asabunyu (arai ekuron) kangin 'pak na edaunor.
4. Ekot, ketubor apak, adunyit aburonokin akito tetere mam ataapu etiaikin.